

Rodriguezia compacta Schltr., nov. spec.

Epiphytica, erecta, compacta, 10—15 cm alta; rhizomate valde abbreviato; radicibus filiformibus, elongatis, flexuosis, tenuibus, glabris; pseudobulbis compressis, oblongis, unifoliatis, latere utrinque vaginis 1—3 foliiferis protectis, longitudinaliter leviter sulcatis, 2,5—4 cm longis, medio fere 1—1,5 cm latis; foliis erectis vel suberectis, ligulatis vel oblongo-ligulatis, obtusis, coriaceis, glabris, 5,5—11 cm longis, medio fere 1,2—3 cm latis; racemis singulis deflexis, subdense vel dense 3—6-floris, pedunculo perbrevis incluso usque ad 7 cm longis; bracteis patentibus, lanceolatis, acutis, ovarium vulgo duplo fere superantibus; floribus in genere inter mediocres, ut videtur albidis; sepalo intermedio, anguste oblongo, obtuso, basin versus sensim paulo angustato, c. 2,5 cm longo, lateralibus in laminam anguste oblongam, apice breviter bifidam, basi concavam, 2,6 cm longam connatis; petalis oblique oblongis, obtusis, basin versus angustatis, glabris, sepalo intermedio fere aequilongis; labello obovato-spathulato, apice rotundato bilobo, nervo intermedio incrassato excepto nudo, ima basi in processum subulatum curvatum, 3,5 mm longum producto, lamina c. 2,5 cm longa, in tertia parte apicali 1 cm lata; columna gracili, teretiuscula, apicem versus paulo dilatata, brachiis inclusis c. 1,5 cm longa, dimidio inferiore minute puberula, brachiis oblique oblongis, obtusis, c. 5 mm longis; ovario subpedicellato glabro, c. 1,1 cm longo.

Costa Rica: Im atlantischen Küstengebiet, auf der Finca Gebrüder Hunderisser. — A. u. C. Brade no. 1309, 1310, blühend im August September 1909.

In dieser Art liegt eine Verwandte der colombianischen *R. Lehmannii* Rchb. f. vor. Sie ist der erste Repräsentant dieser Gruppe in Zentralamerika und verdient daher besondere Beachtung. Auffallend ist die flache Lippe an der die sonst meist vorhandenen basalen Kiele vollständig fehlen. In der Gattung ist die Art durch ihre gedrungene Tracht besonders charakteristisch.